

濟陽縣志卷首目錄

肖像

緣起

弁言

舊序

新序

章則 新編  
大綱

舊志姓氏

新志姓氏一覽表

舊志例言

濟陽縣志 卷首目錄

新志凡例

插圖

續修濟陽縣志緣起

蓋聞觀風問俗固為施政之要素而稽古證今尤賴文獻之憑依  
况當此建設伊始百度維新舉凡風俗之改良社會之沿革土地  
之測量水利之疏濬以及四境之縱橫道路修理整頓在在均關  
重要雖有我先總理手著之實業計劃建設方略昭示於今茲班  
班可考而求其因地制宜因財制宜因物制宜者究不能不以縣  
志為根據誠以縣志一書乃一切民政發軔之基礎不容忽視者  
也余從戎多年弗諳治理此次權掌濟篆深虞履歷惟曾列仕版  
官箴猶在勵精之志圖治之殷亦未便甘落人後是以蒞任之初  
以實心行實政硜硜之愚當能共鑒公餘披覽邑乘冀資考鏡惜

濟陽縣志 卷首 緣起

風雨剝蝕殘敝不堪歷久未修幾近二百年矣不覺拍案歎曰及  
今不圖日益泯沒實政前途一大缺憾每遇士紳接見時相機  
利導幸地方父老紳耆樂觀厥成特蓄意已久有志而未之逮也  
爰延攬名宿設局籌備俾羣策羣力共襄盛事旁採博諮蔚為大  
觀萃古著人文之精華樹今後政教之槩範建設前途庶其有身  
地方自治亦完成有日倘蒙考古碩彥識時賢達有以教正而匡  
助之則又余所厚望也夫

民國十九年秋月濟陽縣長召陵李國慶謹識

續修濟陽縣志弁言

縣之有志猶國之有史文物典章風土俗尚胥繫焉是烏可以不講余與濟陽盧督軍子嘉爲袍澤交清光緒間小站共治兵事數年每當訓練餘暇則相與道鄉邦故事據云濟之爲邑建置自金其地南枕黃河北界駭水相傳春秋時隸屬齊邦爲夫子聞韶處迄今臺高數仞巋然猶存令過之者涵濡聖化恍若見當年之流風餘韻爲之贊歎焉而不能置故其間人才輩出忠義則有王省之從容仗節文學則有蒿菴之著作等身聲稱所及均可信當時而傳後世獨惜邑乘一事自乾隆中葉經胡令書巢續修以至於今歷百餘年尙付闕如邑中所存幾成孤本失此不圖磨滅堪虞

濟陽縣志

卷首

弁言

一

不禁畫焉傷之爰慨然有續修之志逮民國二十年冬津門話舊詢及此事嘉督且欣欣然有喜色而相告曰已由邑中諸時賢著手編纂尅期蒞事脫稿後印貲一項獨力任之余聞之甚快詎料棗梨未就而嘉督先證果道山何大業垂成造物竟不稍假年如是今夏溽暑異常其長公子小嘉攜其志稿見示並具述將付手民意旨屬贊數言以弁其首予因追維往事予小嘉之克承先志且許其留心掌故也故樂而爲之紀錄起

中華民國二十三年夏合肥段其瑞謹識

遺志序一

粵古書有乘構杞春秋以稽天時人事唯誌書記勝天文觀分野地理審形勢建置天巧人工貢賦急公好義禮樂報德崇功職官辨賢別否選舉以徵文才人物以表賢德藝文金石垂遠雜志祈禳修德數者備矣可以言誌濟治創自金天會濟誌纂自明萬歷前無治無誌不須言前有治無誌以昔之君子有志而未逮嗣余鄉侯公任令始成書帙堪爲文獻閱今四十稔時異勢殊勝跡猶存修墜觀改余於丁亥仲夏任事覽宿誌急欲纂組無奈荏苒竊發供億浩繁不隨所願心實缺然今歷任三載所行數事里甲均矣城池修矣鄉約行矣文社建矣約兵練矣刑訟省矣惟誌書未

濟陽縣志

卷首

書序

一

纂而有遺憾實以累歲布縷粟米力役民無安止職無暇晷猶賴濟民尙義將三年正供竭力辦納濟紳最賢愛余若骨肉濟民最良助予若患難夫復何幸再思三載將滿終憾誌不可不修請商諸先達邢艾高王諸先生咸稱美事而邢先生耄德碩望經歷最超今日文獻也以駁前舛續後缺授余余欣受之唯錢糧一年一核難以一定別咸不更易竊以概修則工費艱難約略則次序舛錯值茲小大杆軸其空之日凡物工置嘗十倍而與奢寧儉以觀厥成止求續乘不沒芳懿爲小補而未全修以俟嗣來賢者順治己丑江西吉水進士知濟陽縣事解元才謹序

舊志序一

蓋聞天下之號因其地百官之號因其事即司徒司馬之類是也  
 乃謂天子設百官而所與共治天下者在刺史縣令以其耳目接  
 於民而政令速於行也則夫官之號因其事如今之曰知府事知  
 縣事此尤其大彰明者矣因稽周官外史掌四方之志而小行人  
 每國辨異其康樂和親安平自爲一書以反命於王以周知天下  
 之故當亦不若耳目之接於民其知尤易周歟然則縣令之係於  
 天下治也誠重歟濟陽自金天會間始置縣明洪武以隸濟南爲  
 首郡屬邑凡疆域田賦之制志固可以攷矣顧舊志自順治己丑  
 續纂尙多闕略百餘年來亦未有起而補輯之者臨桂胡君以文  
 濟陽縣志 卷首 舊序

二

以淳戶口物力之所以殷盛而幸我士民之長育生息且累世而  
 未有已所願與二三賢令尹廣揚聖化陶淑羣生俾使者他日反  
 命其所謂康樂和親安平爲一書固已卽四方之志掌得之矣則  
 余之樂於此志序之者夫豈僅一邑之是惓惓乎哉  
 乾隆二十有八年歲次癸未仲春月上澣賜同進士出身特授通  
 議大夫山東按察使司按察使前提督山東學政加一級紀錄五  
 次吳興閔鶚元謹序

濟陽縣志 卷首 舊序

三

舊志序二

余家寧海幼讀八家文尤嗜眉山南豐髣髴想見其為人嘗登蓬萊閣誦子瞻海市詩數其清正通於神明為之流連不能去獨有憾文學事功碌碌無一就甲戌乘鐸濟陽蕭齋冷署殆有如蘇詩所云偶然欠伸屋打頭者為之啞然自笑間閱舊乘邑祠名宦者五司鐸者二墳難王公省享祀固矣李公孟貞以端凝有度訓課不倦尸祝千秋則又爽然自失曰是豈後人不能為者以是兢兢脩理宮墻殿廡補葺學舍日與諸生講業論文為余正課辰冬臨桂書巢胡公服闋補宰是邦其文名久噪遠邇若吳殿撰頤雲袁太史子才沈臬憲椒園諸公嘗推重焉吏治則製錦蜀中著有成

濟陽縣志 卷首

舊序

四

效余初晉謁聆其言論丰采溫潤而栗固知拔俗千尋及蒞事首以扶植道脈振興文教為第一義由是整飭膠庠移建奎閣公餘聚諸生課藝親銜甲乙隣郡聞風者就以所業進執弟子禮焉悵邑乘殘闕留何君希顏於署屬以編摩蓋眉山里人也會兩年水溢悉心原隰泉流間濬導宣洩民歌樂利勒石紀其事於太平莊癸未秋置酒語紳士為修刊計衆咸踴躍從事採訪繕校各司其職而進退取舍繁簡詳略之旨公親裁焉余以荒疎寡陋謬任監脩之役且愧且悚而以百數十年遺佚憲典一旦舉之又以數吏治本於經術其措施為有要也往脩邑乘者為成化昆陵張公為萬歷解梁侯公為順治晉中解公三公皆惠澤及民增光名宦今

以公溝洫教養諸政方之固有過無不及即以志論而義例謹嚴原本經史不第補百十年來之闕並上補六百數十年之闕述倍於作實有突過前人者嘗考南豐傳其知齊州戡邑曲隄橫民興脩水利橋道至今通志詳其事然則公之文學固已頡頏蘇曾而公之經濟亦當與曾蘇並駕不朽矣琇雖不文幸躬逢盛業竊願早進一言持為異日符券也

乾隆二十九年仲冬下泮濟陽縣教諭東牟李師琇頓首拜撰

濟陽縣志

卷首

舊序

五

舊志序三

嘗觀論志者往往稱志異於史史兼褒譏志則無譏焉此其所以異歟予不為然以職官而論苟有一長必予褒詞有善政歷歷可紀者為之立傳其餘則第列其姓名籍貫任事始止已耳而其人之碌碌無所表見可知矣以選舉而論或名在人物或祀在鄉賢其餘則第次其科名及仕至何官已耳而其人之碌碌無所表見可知矣此寓譏於褒究不得謂志之有褒而無譏也濟陽為邑設自金天會間舊志創於前明成化張令端一修於侯令加乘再修於解令元才解令至今百二十年矣其間邑長以及邦之人士豈乏卓犖偉文畸行可法可傳之輩而邑乘久缺不載雖有殘碑斷簡誰與搜羅其不致湮滅於荒榛頽宇者幾何欲訪之長老而所聞異辭矣失今不修文獻益復無徵後之官斯土者何所取而法戒焉後生小子於何考鏡而興起焉是志之脩廢豈無關於治化而顧因循相沿視為牧令絕不相關之事也可乎哉胡君寶書徵產也僑籍粵西成進士來宰斯邑慨然於志之不可不修雅意稽參諸紳士亦網羅舊聞益以近事共襄是舉予閱之一過而知其意在表揚義重懲勸得設志者之本旨其志名勝古蹟以供遊觀文學藝林用資佔嘑者特餘事耳他若郡為魯附庸山東通志載濟有聞韶臺而廣皇輿考又云濟為周部地此何以稱焉更弗暇深辨矣方天子平定準夷式廓新疆二萬餘里予受命運糧嘗著

西征記以誌其事特於文武諸大臣之計謀攻取諄諄加意此志此物也今奉勅纂修一統志以伊犁葉爾羌和闐諸處駐劄將軍大臣無異內地擬別為一編與先後設提鎮道府縣之安西哈密巴里坤烏魯木齊俱列甘肅省志中而哈薩克布魯特拔達山愛烏罕諸部擬為外藩志何其盛也他日或下部取郡縣志以搜數十年各省之軼事而成億萬世一統之鴻模胡君可以拜手獻矣是為序

乾隆三十年歲次乙酉孟冬月朔日特授通議大夫山東按察使司按察使兼輕車都尉軍功加四級紀錄三十次錦川富尼漢謹序

舊志序四

濟志之闕略非一日矣宋南渡金人割章邱臨邑而邑之建置初著述讓未遑也歷元迄明成化間垂三百數十年昆陵張公端乃草創之更百二十年解梁侯公加乘增修焉洎我朝鼎定大一統晉中解公元才補葺前聞成舊志今又百十五年矣恭逢聖聖相承聲教四訖大吏復宣德化淪浹漸摩民物康阜邁疇曩而顧聽其闕略不修則司土者之過也第作志難而濟志之修更難他邑建自漢唐源流可溯而濟在宋已缺如則紹述難他邑載籍可稽而濟於金元明地理人物諸史已不概見遑問百家之編則考據難地蕞爾無名山大川靈蹟勝槩之資叢談而供採擇則典贍難濟陽縣志卷首

卷首

八

例增舊志十之六七稿垂成而何子以歸省去復偕武林章子參互考訂綜名實別體裁加淘汰焉書由是成夫因循一日則蹉跎百年今事往往如斯語云居官者當事不避難此余志濟之志即余治濟之志也其或尙有闕失俟之後人知我諒我余固與解公有同志焉

乾隆二十有九年陽月賜進士出身文林郎知濟陽縣事臨桂胡德琳序

卷首

九

舊志序五

九邱八索虞書禹貢志之所由昉也周禮周官遞加詳焉而華陽人物志陳留風俗書實郡志邑乘之祖志也者凡以驗政治之得失考風俗之盛衰察人物之臧否與夫象緯地輿山川草木鳥獸無不畢載俾采風問俗者展卷可考而知也余奉命觀察濟東逾年督理糧儲山左百城各持邑乘來謁政務之暇詳加繙閱有因有創有甫修有仍舊種種不同惟安邱之志為各志冠所謂綱舉目張條分縷晰克臻醇備者與濟陽為首郡之分屬因濟水遶其南明洪武以隸此郡金天會前固未置邑志雖規模粗具大約荒略不全顧自順治乙丑纂脩之後迄今百餘年間賢才之蔚起節

濟陽縣志

卷首

十

烈之挺生科名之踵武以及騷人詞客之詠題仕寓土處之先後並關掌故倘散佚不收日就刊缺將何以備當代之採摭焉非邑宰之責而誰之責乎臨桂胡君賢宰也慨然起而重脩之延名宿總其成集文人分其事精搜嚴核先於水利詳起訖審源流彙以成編夫然後遍及象緯地輿吏官人物田賦戶口徭役並食貨之繁穀畜之細草木鳥獸之多圖記若干表若干列傳若干藝文若干共若干卷是志也既非星一以漏萬又何至踵事而增華直與安邱志後先爭輝而華陽人物之志陳留風俗之書不獨美千古矣昔龍門有言非附青雲之士惡能施於後世此志得觀察閔公文以冠其首自足聲施不朽而復問序於余義何取耶夫守令為

親民之官凡土俗民風興利除弊皆於令是問濟邑為窪下之區每遇秋潦瀑漲民輒苦之胡君毅然自任指俸率邑人疏槐李溝設石橋木橋各一以便往來余嘉其留心地方事務援筆而為之記是胡君之政治惟余詳且悉也今歎邑志既成上以揚聖天子陶淑之雅下以開都人士禮樂之風所係正非淺鮮又烏能已於一言乎是為序

乾隆三十年歲次乙酉仲春月下澣山東督糧使者荆山宮兆麟題

濟陽縣志

卷首

書序

十一

舊志序六

萃列代之史則邃古若几席羅郡邑之志則寰寓若鬚眉豈徒山海侈博齊諧志怪蓋將以考政治沿襲之端風俗淳漓之辨也我國家政治之隆日新其德至於因革損益與時變通其銖兩於皇極之數者大哉煥乎炳若雲日執陳編而窺之有不同於鑿贖者歟濟陽為齊故壤潔瀆所經雖建置近在金天會間然志載孔子聞韶在其處則當沐浴詠歌抑亦過化存神之地耶邑距省僅百里而近禮教之彬彬物土之豐厚亦復近似然邑志脩於順治己丑百年以來上之為禮樂惠政之所紀下之為文學節孝之所著宜大書特書不一書者悉未之傳焉志乘之缺亦司牧者責也於

濟陽縣志

卷首

三

是胡令有續修之舉事既竣請序於余余惟奉聖天子之典謨與凡百有位日相切廟蓋六年於茲矣其間如河渠田井職官賦役兵制海防諸大政雖皆率由舊章亦未嘗不釐刷而經畫之每覽全志嫌其未備固有志未之逮也今郡邑各志如泰安一郡披離諸邑都有起而修之者而胡令又以成書見告是亦留心民事之一徵也余甚嘉之率書其略以復

兵部右侍郎兼都察院右副都御史巡撫山東兼理提督節制全省軍務楚鄂崔應階題

舊志序七

余於前明靖難兵起竊心偉濟陽學博王省邑弟子高賢寧二人謂其時如蹇忠定夏忠靖輩官已貴尙率先迎附彼兩人無知遇之恩又身不繫安危之寄而寧死不仕禮教信義之遺意濟陽尤鍾毓獨厚與乙酉春余奉命監司山左會翠華南幸與濟尹胡君給事行宮喜其得遊君子之國志業差異比既事來謁其一邑內戶口登耗財賦盈虛川原險易條析特詳與語世教民行之大油然獨有會心因憶師儒觸柱秀才作論我家端簡公為立傳列諸祀典邑乘當備載始末而胡君乃以現在刊較對且乞為序按史金京東路濟南為上閒散府領縣六天會間割章邱臨邑地置濟

濟陽縣志

卷首

三

陽而縣七鎮凡二十有九其在濟曰曲隄曰仁風今縣東北二鎮稱名如昨數百年來風景河山宛然在目矣縣舊無志草創自明成化張令至清朝順治間續修均非善本恭逢聖天子繼揚謨烈累洽崇熙田疇日闢民數日登川澤林麓日益疏治而改觀文物聲明懿行芳節日益蒸蒸蔚起而不可更僕數徵文考獻勒為成書斯誠一日千秋之業而閱時既久故老云亡欲振遺緒於百十年風微人往之餘擇不精而語不詳或失之誣否則為陳則私為魏則穢均不免訕笑藝林胡君本修教興行之心以行其脩廢舉墜之志取資宜富決擇宜嚴考核宜審史才可於更才信之則政事即以文章券之矣抑余猶有說周禮邦國四方之志掌於史氏

則志卽爲史余考史記漢書以下或歷數世或經數人俱非旦夕所能爲功惟元史以七月告成貽譏簡率胡君茲役當乾隆二十八年春前觀察業有弁言距今又再閱歲時篤行君子固知其必有慎思明辨之功學優仕優余於胡君更有厚望焉用序而勗之乾隆三十年乙酉之夏賜進士出身中憲大夫分守濟東泰武等處地方兼管水利通省驛傳道隨帶加二級紀錄一十六次韓江鄭大進題

濟陽縣志

卷首

新序

古

續修濟陽縣志序

嘗讀魯論至夫子在齊聞韶一篇而不禁穆然神往於其際也夫樂者所以陶性情易風俗况韶之盡美盡善尤非他樂可比彼都人士果能依聲而和永吾知靈秀所鍾自必有偉人名世挺生於其間蓋地靈人傑理無或易然究之僅得諸想像而未能確悉其地址也今夏濟陽盧中將小嘉出其邑乘見示並丐一言以誌顛末盍微雜誦乃知濟邑舊隸齊邦當年夫子聞韶卽在此處迄今有臺翼然上建孔廟春秋致祭於此益信風土人情均關乎樂而地靈人傑之說之不我欺也何則濟陽臨黃近省僻在一隅非若通都大邑爲人文薈萃之區且建置自金歷年未久所產人物宜若無足稱述者乃文學則有邢信卿張稷若將帥則有閔俊烈盧子嘉其他之掇巍科登顯秩以及通人碩彥節婦賢媛尤櫛比林立而不勝枚舉設非沐至聖之流風涵中天之餘韻則蕞爾彈丸其能人材輩出若是哉考周官外史掌四方之志小行人每國辨異其康樂和親安平爲一書以反命於朝而周知天下之故邑志之重權輿於此當此百政更新民生凋敝之際濟陽各紳耆能畢慮殫精以編葺之盧君小嘉能出貲付梓以完成之是卽彙康樂和親安平爲一書以備異日轄軒採擷之遺意也故樂而爲之序

中華民國二十三年七月安徽王揖唐序於津門

濟陽縣志

卷首

新序

一

續修濟陽縣志序

昔禹分九州執贄萬國周禮職方氏掌天下之圖其於山川封域禮樂名物燦然備矣戰國分裂秦氏兼併漢唐以降代有損益古制遂湮然考諸史傳紀次天文地理與凡職官田賦藝文掌故之屬靡不畢具蒐奇閱達之士猶可鑑而盡識也元明混一區夏有一統志之作遜清因之至於一郡一邑亦莫不各有紀述蓋即周禮所稱外史以掌四方之志者也濟陽建治肇自於金在周齊為犁邱漢晉為潒陰後魏隋齊僑臨邑齊乘暨寰宇記言之綦詳然代遠年湮青簡流傳難成信錄至明昆陵張公創輯志書復以解胡兩公先後續修嚴簡質實六七百年遺制宏規端賴以此其難

濟陽縣志

卷首

二

也如是大連來守是邦推行庶政防河治匪興學勸農振滯起衰民物安阜自治基礎於焉略定歲月漸繇三載於茲聽政之暇樂與斯民相遊處歷觀川原景物之秀令人發當日尼父聞韶詠嘆幽思禮樂百年而後興誠有味乎魯兩生之言也往者嘗讀遷固書表志所紀舉凡民生之繁耗土地之荒闢風俗之淳漓物產之饒乏以及賦貢增損吏治得失人文興廢較如列眉志書為用尤足與史相維繫顧不重哉是志自胡公輯修迄今已二百餘年國步多艱文獻之闕再閱歲日纂述尤難下車伊始迺商諸紳耆王麗泉柏潤東諸君子籌立志局經始於民國念年一月越兩年四月始以蕝事盧將軍子嘉關懷桑梓蒞任印賞其長公子筱嘉

亦慨然以繼承先志為任兩世敬恭高誼均足千秋大連在任較

久情感彌篤竊幸與邦人君子匡襄輔翼克觀厥成故次序之昔韓愈撰滕王閣記至冀埒於三王之末胡公為當代名賢在濟政績至今民猶稱之以建菲材敢比擬前哲然繼志述美古人不能無待於今人庶幾有以追蹤其逸軌也

中華民國二十二年秋九月署理濟陽縣縣長新野路大連題

濟陽縣志

卷首

三

Blank space for text in the second column of the lower section.

續修濟陽縣志序

本年元月余奉令調署濟陽適邑人士新修縣志成屬爲弁言余  
齒少更事淺學識誦陋奚足言文事顧縣志所關至鉅下車未幾  
卽躬與其成雖欲無言情曷能已竊惟方志之作濫觴周禮其來  
已久爰及近代述作尤夥清儒章學誠嘗謂方志爲國史要冊近  
人梁任公亦謂有良方志然後有良史有良史然後開物成務之  
業有所憑藉蓋方志者舉凡疆域之沿革人文之盛衰風俗之淳  
澆物產之贏絀以及瑣事軼聞有關掌故者一開帙朗如列眉其  
裨益於政治者良非淺鮮夫人能言之矣余獨以謂修志固要其  
在今日則尤要何者閉關時代治崇清靜長吏第正身率屬奉行  
濟陽縣志 卷首 新序

四

成法已足當循良之選今寰海交通政體變革物質文明月異日  
新震聳耳目雖有上哲不能仍古法以治今人非好奇也時勢爲  
之也而一切新政之敷布  
國府雖具有成憲而究之能否實行與行之是否有效無弊要不  
能削趾適履置風尚慣習於不顧是則居今日而談治理非參稽  
志乘末由酌古準今以新至於美善斷斷然矣濟陽置自金天會  
時明成化中張君端始創爲縣志厥後侯君加乘踵修之洎乎有  
清解君元才胡君德琳先後纂輯迄於今百七十年矣簡編殘缺  
耆舊凋零雖際承平之會猶當急起直追網羅放失以續成一方  
之信史矧值新政繁興亟資考鏡之日乎濟志之修發軔於前任

李君延聘邑宿學王君麗泉總其成余來復促成之羣力襄助遂  
克蕙事自今以往長民者既得所依據以從事邑人士日手一編  
亦有所觀成而興起焉豈非一邑之厚幸歟余雖不敏竊願與諸  
君子共勉之

中華民國二十三年六月署理濟陽縣縣長沙河劉 璟謹序

濟陽縣志

卷首 新序

五

續修濟陽縣志序

縣志信書也續修曠舉也士君子幼學壯行懷才求遇晚歲倦遊  
返里值邑乘重訂得與於纂組之役是亦運會所關不可倖致者  
也故吾邑先達蒿菴先生學貫天人著作等身其生平對於縣志  
嘗有續修之心而其究也所撰縣志九卷乃僅存其目而未見成  
書况其下焉者乎蓋自東髮受書每聞老師宿儒談及吾濟志書  
云已代遠年湮剝蝕不堪即慨然有倡議續修之志洎從嘉督遊  
江浙時盧氏正創修族譜因乘間連類以修志事請嘉督極表贊  
同會一再擬即延聘名宿在縣興修但均因他事而中輟此民國  
十三年事也自時厥後嘉督息影析津蓋亦彙筆他方謀生計

濟陽縣志

卷首

六

此議遂寢逮十九年冬邑中諸時賢適奉當局修志功令深感文  
獻之散佚不可不亟為蒐討也乃一致主張設局籌辦自二十年  
一月起至二十一年十二月止限二年告蒞並推定職員實行分  
股任事時蓋供差豫北軍部即日促回從事編纂以襄大業夫以  
失修垂二百年之縣志幾經切實倡修而迄未舉辦何其難也然  
以失修垂二百年之縣志但能共同努力則如期完成又何易也  
從知事無繁劇得人則濟衆擎易舉理有固然即如此次修志纂  
輯則有潤東子介協助則有憲民耀南會計則有俊甫仁甫繕校  
則有平階子珍採訪則有各機關各紳耆復有歷任各縣長之盡  
力督促各區長之熱心翊贊裝集千腋蜜釀百花蓋亦不過廁身

其際坐觀厥成而已又何力之與有稿脫爰泚筆而為之序  
中華民國二十二年三月總纂王嗣鑒謹序

濟陽縣志

卷首

七

續修濟陽縣志序

先嚴一生桑梓觀念至為重視每以早歲從戎對於鄉邦義務未得多所致力為憾綜計歷年在縣所辦大端除設平糶以禦荒年築石隄以防水患建嘉惠小學校以培養英才修民刑看守所以尊崇人道此外則惓惓於失修垂二百年之邑乘故當督軍兩漸暨宣撫蘇皖時曾屢擬遴員到縣興修均因事而未果逮晚年息影津門始得邑中諸君子力倡續修設局任事並承以監修見委且派員蒞津就商一切進行計劃先嚴面訂後始詔羅而示曰修志余之素願已與邑中諸君約編纂諸君任之印資由余獨出稿脫攜來付梓可也詎剗未就而風木先悲每一念及愴懷曷

濟陽縣志

卷首

八

已羅幼稟椎魯讀書但觀大意不喜攻章句比長奔走國事曾遠使歐美考察財政追隨國軍北伐轉戰皖豫魯平等省所向皆捷幸無隕越抵津歸省見親年已老風燭堪虞遂辭職家居滿擬晨昏奉侍冀彌年來定省之闕並乘志書印刷時期或得幫同勘校藉以涉及吾邑之掌故亦快事也不料天不假年而先嚴竟迫不及待矣然茲事體大賴邑中諸君子苦心毅力冒暑遠來使羅得從事開雕以完成先人志願而參與修志盛舉是亦不幸中之一幸也是為序

中華民國二十三年七月陸軍中將前山東鹽運使盧 耀謹序

濟陽縣續修縣志簡章

- 第一條 濟陽縣志年久失修本縣政府為遵照通令徵集文獻起見特設縣志局辦理續修縣志事宜
- 第二條 本局定名曰續修濟陽縣志局其地址暫設於本城蒿菴祠
- 第三條 本局規定應行提前辦理事件如左
  - 一 擬定縣志之計劃及程序
  - 二 規定修志之凡例
  - 三 徵集文獻圖書及古蹟事項
- 第四條 本局設總督修一人督修一人由縣長兼任監督本局一切事務協修一人由教育局長兼任襄修一人由財政局長兼任
- 第五條 本局設編纂一人分纂二人由縣政府聘任之專司編纂縣志事宜
- 第六條 本局設總務主任一人幹事主任一人由縣政府委任之秉承總督修處理局內日常事務
- 第七條 本局設幹事二人或三人承主任之命分掌文牘及會計庶務等事項
- 第八條 本局設採訪員若干人由本局就各機關職員及地方紳耆之有聲望者聘任之但均為名譽職

濟陽縣志

卷首

一

第九條 本局因事務之必要得延聘專員及酌用僱員

第十條 本局得設監察委員會其規則另定之

第十一條 本局預算案及辦事細則另定之

第十三條 本簡章如有未盡事宜得隨時提交縣政府會議修正之

第十三條 本簡章自縣政府會議議決之日施行

濟陽縣續修縣志局辦事細則

第一條 本細則依據本簡章第十一條訂定之

第二條 本局設總督修一人總管全局事務並指揮監督該局各職員任免事項

第三條 本局設總務暨幹事主任各一人秉承總督修處理本局日常事務

第四條 本局分纂修股總務股文書股分理各該股應辦事項

第五條 纂修股職掌如左

一關於撰擬事項

二關於採訪事項

濟陽縣志 卷首 章則

三關於徵集事項

四關於編審事項

五關於設計及其他事項

第六條 總務股職掌如左

一關於本局會計事項

二關於本局庶務事項

三關於典守印信及收發文件事項

四關於編製本局經費預算決算事項

五關於交際等事項

第七條 文書股職掌如左

一關於繕寫事項

二關於校對事項

三關於處理日常公文及函件事項

四關於保管檔案事項

五關於不屬於他股事項

第八條 關於第五第六第七等前條規定事務由編纂分纂幹事各員分任之

第九條 凡關於文件採訪事蹟到局時由傳達室導至總務股

點交清楚隨時掣給收據

第十條 總務股收到時摘要由編號填註到局日期登入總收文

濟陽縣志

卷首

章程

四

簿送交纂修股

第十條 纂修股收到各項文件分類擬辦後彙交總督修及主任檢閱

第十一條 經總督修或主任檢閱後乃發交纂修股督同各該職員分別編輯酌奪辦理之

員分別編輯酌奪辦理之

第十二條 凡送達文件由專差遞送或郵寄時總務股登入送文

簿內收件機關或收件人及郵局須加蓋戳記證明

第十三條 本局服務時間除例假休息不計外每日以七小時為

標準但遇必要時得延長或變更之

第十四條 本局各員須確守時間不准遲到早退

第六條 本局職員在服務時間不得接見賓客其因要公接洽

者不在此限

第七條 本細則如有未盡事宜得隨時呈請修正之

第八條 本細則自呈准公佈之日施行

濟陽縣志

卷首

章程

五

濟陽縣續修縣志局監察委員會暫行規則

第一條 本委員會依據縣志局簡章第十條之規定組織之

第二條 委員會委員名額定為五人至九人均名譽職

第三條 委員會委員除縣志局主任為當然委員外其餘就地

方紳耆學識兼優者由縣志局保薦呈請縣政府委任

之

第四條 委員會之職權如左

甲 監察縣志局經費之預算決算

乙 保管修志經費及討論增籌方法

丙 審核續修縣志編輯等事項

濟陽縣志

卷首

章則

六

丁 建議修志計畫及改進方針

戊 裁決縣志局交議事項

己 其他關於修志事項

第五條 委員會分左列兩種由縣志局召集之

甲 常會每月開會一次

乙 臨時會遇必要時舉行

第六條 委員會開會時由委員中推一人為主席

第七條 委員會開會時縣志局職員得列席會議

第八條 委員會內部事務由縣志局兼理之

第九條 委員會議決事項由縣志局執行之

第十條 本規則如有未盡事宜得隨時修正呈報縣政府備案  
第十一條 本規則自呈准公佈之日施行

濟陽縣志

卷首

章則

七

修志計劃大綱

縣志乃一邑文化所關政教所趨事體本極重大且又年久失修編輯採訪頗費周章設非有精密之計劃斷難貫徹於終始茲將修志程序及進行計劃臚陳於左

(一) 修志程序分爲四期一曰籌辦時期二曰採訪時期三曰編纂時期四曰校刊時期

(二) 在籌辦時期應辦事項列左

甲 延聘職員各負專責

乙 籌定經費俾免竭蹶

丙 造具預決算事項

丁 規定一切章則

戊 宣傳修志計劃

(三) 在採訪期應辦事項列左

甲 擬定徵集事項一覽表

乙 規劃採訪程序及範圍

丙 延聘專員分別採訪

丁 規定獎懲辦法以勵策進

(四) 編纂時期應辦事項列左

甲 撰擬修志凡例

乙 刪定舊志

丙 彙核採訪事件

丁 編纂各項徵集材料

(五) 校刊時期應辦事項列左

甲 校對志書錯訛

乙 規劃刊印手續

丙 徵集序稿

丁 製定各種圖表樣式

(六) 以上程序四期每期定爲六個月遇必要時得斟酌變更之但完成日期總以二年爲限

(七) 本程序計劃呈請縣政府提交政務會議議決施行